

Ysbyty Gwynedd Adran Achosion Brys

Newyddlen Ionawr 2018



**Yn dod â'ch diweddariad misol ar y gwaith gwella yn
Adran Achosion Brys Ysbyty Gwynedd**

Credit: Daily Post



Yn y rhifyn hwn:

Adroddiad Rheolwr Safle

Prosiect Celf Adran Achosion Brys

Cadlywydd yn diolch i staff yr Adran Achosion Brys am ei ofal

**Cyfarfod Tîm yr Adran Achosion
Brys: Lyn Roberts, Metron Adran
Achosion Brys**



@bcuhb



/betsihealthboard



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

Creu amgylchedd mwy cyfeillgar i'n cleifion drwy gelf

Mae'r gwelliannau wedi rhoi'r cyfle i ni edrych ar ffyrdd gwahanol o greu amgylchedd gwell a chyfeillgar i'n cleifion. Mae'r cynlluniau'n cynnwys gweithio gydag artistiaid lleol i roi gwaith celf o amgylch yr adran a fydd yn cynnwys tirnodau daearyddol ar draws Gwynedd ac Ynys Môn. Bydd hyn yn creu amgylchedd cynhesach i'n hymwelwyr i'r Adran Achosion Brys.



Bydd diweddariadau pellach yn cael ei roi am y prosiect cyffrous hwn drwy'r flwyddyn!

Enghraifft o waith celf a ddefnyddiwyd gan Fwrdd Iechyd Prifysgol Cwm Taf

Cadlywydd Simon yn diolch i staff yr Adran Achosion Brys am ei ofal



Roedd y Cadlywydd Simon Ling yn glaf yn ein Adran Achosion Brys ar Ddydd Calan ar ôl dioddef anaf llym i waelod ei gefn yn ystod ei wyliau yn Eryri.

Mae Simon wedi canmol ein staff am y gofal a gafodd yn ystod amser hynod o brysur yn ein Adran Achosion Brys.

Dywedodd: "O ystyried y pwysau sydd ar y GIG, roeddwn yn disgwyl arhosiad hir wrth gyrraedd Cefais fy mrysbenneu mewn hanner awr. Dros gyfnod asesu o bedair awr cefais fy ngweld gan feddyg,

cael pelydr x, cael fy asesu gan feddyg orthopaedig ar alwad. Yna cefais fy nhrosglwyddo i Ward Conwy.

"Ni allaf weld bai ar y gofal a ddarparwyd gan y tîm gofal clinigol, roedd y broffesiynoliaeth, synnwyr o ddyletswydd ac awydd hollbresennol i ofalu am y rhai mewn angen wir yn drawiadol.

Dyma fy mhrofiad cyntaf o fod mewn ysbyty a gadewais gydag edmygedd llwyr o'r gwaith rhagorol a wneir gan ein staff rheng flaen y GIG."

Drosodd i chi...

Rydym bob amser yn falch o gael adborth am Adran Achosion Brys Ysbyty Gwynedd a'n gwasanaethau. Dyma enghraifft o rai o'r pethau y mae unigolion wedi dweud wrthym.

 "Diolch i'r staff yn Adran Achosion Brys Ysbyty Gwynedd am y gofal a roddwyd i fy ngŵr. Edrychaf yn syn ar y cyflymder y mae'n rhaid i chi weithio. Diolch. Rydych yn fendith. Ein nyrsys yw'r gorau."

 "Llosgodd fy mab chwech oed ei ddwylo'n ddrwg ychydig fisoedd yn ôl ac roedd staff Adran Achosion Brys Ysbyty Gwynedd wir yn wych. Ni allwn ddiolch digon iddynt."

 "Mi ddois i mewn gydag ambiwlans ac roedd y gofal a gefais gan y criw a staff Adran Achosion Brys Ysbyty Gwynedd wir yn wych - cefais fy asesu'n gyflym cyn cael fy nhrosglwyddo i ward."

Cyfarfod â Lyn Roberts, Metron Adran Achosion Brys

Dewch i gyfarfod â Lyn Roberts, Metron ein Adran Achosion Brys, sydd wedi bod yn gyfrifol am sawl gwasanaeth llym yn ei rôl fel Uwch Brif Nyrs a rŵan Metron.

Mae Lyn wedi bod yn rhan o'r cynlluniau ar gyfer y gwelliannau o'r dechrau ac yn credu y byddant yn gwneud gwelliannau helaeth i ofal claf a'r amgylchedd gwaith i'r staff.

Dywedodd: "Bydd yr adran newydd yn rhoi llawer mwy o gyfleusterau i ni i'n helpu i reoli'r holl anghenion diogelu sydd gan gleifion. Nid yn unig y bydd hyn o fantais i'r cleifion, ond hefyd o fantais i'n staff. Mae'r amgylchedd gwaith yn mynd i gael ei drawsnewid a'i wella'n enfawr.

"Mae rhan o'r gwaith yn cynnwys ystafell staff newydd, ystafell cawod a chyfleusterau newid a fydd yn helpu'r tîm i deimlo eu bod yn cael eu gwerthfawrogi.

Roeddem i gyd yma yn yr Adran Achosion Brys yn falch o weld y gwaith yn dechrau, mae am wneud gwahaniaeth anferth i'n bywydau gwaith yn ogystal â'r cleifion sy'n ei ddefnyddio."



Digwyddiadau codi arian sydd ar y gweill i gefnogi ein Adran Achosion Brys!



Mae RAF y Fali wedi dewis cefnogi Awyr Las, ein helusen y GIG am yr ail flwyddyn yn olynol a bydd yn cynnal amryw o ddigwyddiadau codi arian drwy gydol y flwyddyn i helpu i godi arian i'n Adran Achosion Brys! Daeth Nick Tucker-Lowe, Cadlywydd Gorsaf RAF y Fali i gyfarfod â staff ein Adran Achosion Brys cyn y Nadolig i weld beth allent ei wneud i helpu.

Diolch am eich caredigrwydd a'ch cefnogaeth!

Adroddiad Iwan Lewis, rheolwr y safle

Blwyddyn Newydd Dda!

Yn wir rydym wedi cael dechrau prysur iawn i'r flwyddyn ac mae'r tîm wedi gweithio'n galed i gwblhau'r lloriau, drysau, cladin a rhoi haen ddiwethaf o baent yn barod i gwblhau cam cyntaf y gwaith erbyn 26 Chwefror.

Yna byddwn yn dechrau ar ail gam y gwaith sy'n cynnwys adnewyddu ardal Paediatreg ac adeiladu Uned Penderfyniadau Clinigol ac Adran Weinyddol.



@bcuhb



/betsihealthboard



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

